

Gvangjsih Minzcuz Bau

Cawjguenj: Gvangsijh Bouxcuengh Swcigih Minzcuz Cunghgyau Swvu Veijyenzei

Cawjbanh: Gvangsijh Minzcuz Bause

Geiz neix 8 banj

广西民族报 Aenhauh okbanj: CN45-0036 B.2025 Nd.3 Ng.12 Liggaueq ietceih nienz ndwengeih cibsam Geizsoq: Gungh daih 3660 geiz

Daengx Guek “Song Hoih” Youq Baekging Hai

3 nyied 4 daengz 10 hauh, 5 daengz 11 hauh, Aen Hoih Cunghgoz Yinzminz Cwngci Hezsangh Veiyi Gaiq Cibseiq Daengx Guek Veijyenzei Baez Hoih Daihsam, Aen Hoih Gaiq Cibseiq Daengx Guek Yinzminz Daihyauj Daihhoih Baez Hoih Daihsam gonqlaeng youq Yinzminz Daveidangz hainduj hai. Mboengq hai “song hoih”, 2000 lai boux veijyenzei Daengx Guek Cwnghez hopheux gij anbaiz baijbouh Cunghgung Cunghyangh, gaendaet aen cungsam yinvu dangj caeuq guekgia bae guhhong, gaenxmaenx ok geiqmaeuz coengh guh hongsaeh cwngci, gak baih doxcomz caezhoz, gyonj baenz gij dungxcaiz caeuq goengrengz doihaeuj saehnieb hungmbwk hwnqguh aen guek ak, fukhwng minzcuz miz yendaiva yiengh Cungguek. Ca mbouj geijlai 3000 boux daihyauj Daengx Guek Yinzda dawz gij vahdaengq lwgminz naeknumj de bae camgya hai hoih, dawz ndei diuzrap fapguek caeuq faplwd dingh hawj de.

3 nyied 4 hauh gvaqrngz, Yinzminz Daveidangz dalijdangz daeng ronghsagsag, nauhyied raixcaix, 2154 boux veijyenzei Daengx Guek Cwnghez miz 2110 boux camgya aen hoih hainduj. Bouxdaeuz dangj caeuq guekgia Siz Ginbingz, Lij Gyangz, Cau

Lozci, Cai Giz, Dingh Sezsiengz, Lij Hih, Hanz Cwng daengj youq cujsizdaiz naengh, cukhoh aen hoih hai. Daengx Guek Cwnghez cujsiz Vangz Huningz coh daihhoih guh baugau, de naeuz, 2025 nienz dwg bi satbyai aen gviveh “cibseiq haj”, hix dwg bi youqgaenj haeujyamq cienzmienh gyalag gajgwz. Yinzminz cwnghez yaek dingjmaenh aeu aen swhsienj sevei cuji miz daegsaek Cungguek seizdaih moq Siz Ginbingz bae dazyinx, cienzmienh gvancez doeksaed gij cingsaenz Cunghgung Ngeihcib Daih caeuq Ngeihcib Gaiq Ngeihcung, Samcung Cienzhohi, gvancez doeksaed gij cingsaenz gangjah youqgaenj Siz Ginbingz cungsuhgi youq Aen Hoih Angqhoh Cungguek Yinzminz Cwngci Hezsangh Veiyi Laebbaenz 75 Hopbi naeuz haenx, caen rap hwnj diuz rap aeu gij gezcwz baijbouh Cunghgung Cunghyangh caeuq gij iugouz guhhong yinzminz cwnghez doeksaed roengzbae, aeu gij dungxcaiz nem goengrengz lwg Cunghvaz ndaw guek rog guek doxcomz hwnjdaej, dingjmaenh hopheux cungggyang, fugsah daihbuenz, coenghrenez guhsat aen moegbiu yinvu aen gviveh “cibseiq haj” ndei saed bae, bang saedyienh “cibhaj haj” haidaeuz ndei roengzgiek maenhhdwd.

3 nyied 5 hauh banhaet, ca mbouj geijlai 3000 boux daihyauj Daengx Guek Yinzda doxcomz Yinzminz Daveidangz. Siz Ginbingz, Lij Gyangz, Vangz Huningz, Cai Giz, Dingh Sezsiengz, Lij Hih, Hanz Cwng caeuq daihhoih cujsizdonz cwngzyenz youq cujsizdaiz naengh. Daihhoih cujsizdonz cangzvu cujsiz, caephengz cujsiz Cau Lozci naeuz Gaiq Cibseiq Daengx Guek Yinzda Baez Hoih Daihsam hainduj le, Gozvuyen cunglij Lij Gyangz guh cwngfuj gunghcoz baugau. Lij Gyangz youq ndaw baugau naeuz, bineix dwg bi satbyai aen gviveh “cibseiq haj”. Gij moegbiu bineix dajsuenq aeu guhdaengz: Swngheanj cungjeiz ndaw guek demlai 5% baedauq; aen beijlwd diucaz duenhong hawsingz 5.5% baedauq, hawsingz lingh miz 1200 fanh vunz doxhwnj miz hong guh; gij gyagwz gihminz siufeiq hwnjsang 2% baedauq; gihminz souhaeuj demmaj caeuq ginghci demmaj doengzyamq; gozci soucei dingx youq daihdaej doxdaengh; haeuxgnw canjliengh 1.4 fanh ik gaen baedauq; gij hauqnaengz danhvei swngheanj cungjeiz ndaw guek doekdaemq 3% baedauq, swnghdai vanzging laebdaeb bienq ndei. Lij Gyangz youq ndaw baugau dwen ok, gij yinvu ginghci ndawbiengz hwnghat bineix naek dangqmaz. Raeuz

aeu dawz ndei cungdenj, gaemmaenh gvanhgen, comz rengz ca ndei geij fuengmienh hongsaeh lajneix; Haenq-rengz coihoengh siufeiq, hawj douzswl lai raenhamq, cienzbouh gyadaih gij aeuyngh ndaw guek; ciuq saed dingh geiq hwnghat yiengh swngheanjliengz rengzmoq, gyavaiq hwnqguh aen diji canjyez ciuhneix; haeujlaeg saedhengz aen canloz baengh gohgyau hwnghat guek, gyaak hawj aen diji cauhamq guekgia lai ndaej cingjdaej langh rengz; coinyoengx gij guhfap gajgwz hungnaek gyavaiq doeksaed, engq lai hawj ginghci diji bae ragyien gajgwz; hwnjmbaek gyahung doiq rog hailangh, roengzrengz onjdingh vaimou vaiswh; mizyauq fuengzre vaggej gij fungyiemj ndaw gvaengx youqgaenj, soujmaenh diuz daejsieng mbouj hawj ok yiemj baenzroix; baedrengz dawz ndei gajq hong “sam nungz”, haeujlaeg doihaeuj guh-hoengh lajmbanj liuxliux; doihaeuj gij hawsingzvaq yienghmoq caeuq rangh-dieg doxdaengh hwnghat, gek ndei nda ndei aen gyanghoeng hwnghat; doxgap doihaeuj gij hong gyangq danq gemj uq gya heu, gyavaiq hawj ndawbiengz nem ginghci hwnghat yienghyiengh cienjbaenz saekheu; gyarengz bauj-cang caeuq gajq ndei minzseng, hawj ceihleix ndawbiengz lai raen mizyung. (ciuq Sinhvasze)

《Fazgvanh Gwnz Fwj》Youq Nanzningz Cuengqingj Baez Nduj

3 nyied 6 hauh, denyingj 《Fazgvanh Gwnz Fwj》youq Nanzningz cuengqingj baez nduj. Bouh denyingj neix youz Swcigih Gaugaep Fazyen caeuq Swcigih Minzcunghvej daengj lienzhab ingjuh, dwg bouh denyingj nduj daezcaiz comzyawj fazgvanh siujsoq minzcuz, vunzlai raen haeujrwz raixcaix.

Denyingj aen vunq dwg Vangz Dwnghlinz “boux fazgvanh guhyiengh daengx guek”. Vangz Dwnghlinz, Yizcuz, caengz gvaqseiq gaxgonq dwg Lungzlinz Gak Cuz Swciyen Yinzminz Fazyen dangjuj cwngzyenz, fuyencangj, youq fazyen guhhong 22 bi, de ndaej beksingq haenb baenz “fazgvanh byaijdin diegbya” “fazgvanh ndei beixnuengx Yizcuz”, ndaej haujlai hangh mingzdaeuz guekgia gaep. Bi 2017, Vangz Dwnghlinz aenvih gyaban fatbingh, ngaiz dai.

Denyingj cujyau lwnh gij ginglig Vangz Dwnghlinz gvansim mbanjranz, cawjdoengh dauq daengz diegbya bienbik Dwzngoz Yinzminz Fazdingz guhhong. De yungh faplwd caeuq gij

sibgvenq minzcuz yungzhab ndeindi, gajggez ndaej baenzroix vwndiz hojguh, guhlawz bang dahsau iq Yizcuz doilaex dauqbae hwnjhag, guhlawz cawqleix vunzmbanj uqlah seiqhenz deigyauq daengj, langhbaiz le swhfaz youq baujhoh beksingq swngghoz caeuq swnghdai vanzging miz yungh lailai, dwg aen sukingj sengdoengh seizdaih moq cwngfaz ganbu siujsoq minzcuz swhfaz bang beksingq.

Mwh aen yizsiz cuengq ingj baez nduj, 《Fazgvanh Gwnz Fwj》cujeang donzdui caeuq gak gyaq daihyauj doxcomz giz ndeu, caez lwnh gij gojgaec raeblaeng cauhyu, caemhcaiq yaenglwnh damqra diuz roen cauhamq yungh denyingj senhconz fapceih.

Ciuq cam rox, geij bi neix daeuj, Gvangsijh fazyen hidungj gaenxmaenx vatcimh gij sucaiz denjhingz swhfaz bang beksingq, cau ok buek fapceih vwnzva cozbij haeujgyawj beksingq, raeuj sim vunz, ndawde 93 bouh cozbij ndaej mingzdaeuz guekgia caeuq swcigih gaep.

(Ciengj Yiyinh Vuz Giz)



Lungzswng: Mehmbwk Hag Dinfwngz Angqcoux “Sambet”

3 nyied 7 hauh, Lungzswng Gak Cuz Swciyen Lungzswng Cin guh yienghsaeh gagnyienh fugsah hag Leiz Fungh “hag dinfwngz dajsan cienz minzcuz vwnzva”. Cingj bouxswnjcienz feihyiz dinfwngz dajsan daeuj dangciengz fwngz gaem fwngz son mehmbwk guhlawz dajsan, bang mehmbwk lai miz dinfwngz guhhong youq ndang, aeu loh fuengsik daegbied neix angqcoux ciet mehmbwk “sambet”. Ndaw doz dwg gyoengq mehmbwk cingq hag san doxgaiq. (Banh Cisiengz Luz Vuzbinh ingi)